

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fideli Populo ...

**Lingendes, Claude de
Coloniae Agrippinae, 1689**

XI. Ostendit per pœnitentiam hominis converti Deum, & unde sit tanta vis
in pœnitentiâ.

Nutzungsbedingungen

[urn:nbn:de:hbz:466:1-56333](https://nbn-resolving.de/urn:nbn:de:hbz:466:1-56333)



FERIA QUARTA VEL QUINTA CINERUM.

CONCIO

DE QUADAM CONVERSIONE DEI PER
pœnitentiam; quæ est continuatio præcedentis.

*Quis scit si convertatur, & ignoscat, & relinquat post se
benedictionem. Joël. 2.*

ECCLESIA (ajebamus heri) nobis exhibuit duo magna, luculentaque facinora: unum Dei increaturas; alterū creaturæ in Deum. Primum terminatur ad conversionem hominis; secundum ad Dei conversionem terminatur. Utraque cōversio efficitur pœnitentiā. A priore incœpi, supereft ut de altera hodie loquamur, nempe de conversione Dei, de qua id pronuntio: Magni operis susceptionem esse homini, efficere ut Deus voluntatem mutet, sed multò amplius, etiam eum cogere, ut pœnitentiam agat, sicut ipse loquitur cap. 18. Jeremiæ: *Si pœnitentiam egerit gens illa à malo suo, quod locutus sum adversus eam, agam & ego pœnitentiam super malo quod cogitavi ut facerem ei.* Verum si facinus illud magnum est, non est impossibile. Argumentum hoc admodum sublime ac eminens est, sed magnæ etiam consolationis. Prima conditio attentio-

nem vestram, altera voluntatis studium postulat.

Certum est i. voluntatem Dei absolutam communiter loquendo, semper impleri. Probatur, quoniam Deus operatur per voluntatem, hæc autem est omnipotens; ergo semper assequitur effectum quem vult. Probatur consequentia; quia si non assequeretur effectum quem vult, id necessariò proveniret ex defectu potentie; siquidem supponitur non deesse voluntatem.

Confirmatur i. quia volitio Dei est eius ultima determinatio ad operandum; quare si hac determinatione positâ non sequeretur effectus, proveniret vel ex mutatione voluntatis: sed permanere illam supponimus, cum diximus absolutam: vel ex defectu potentie; vel ex impedimento ipsius; quæ omnia Deo repugnant: *Quis enim resistit eum?* ait Apostolus post Jobum.

Q. 2

Con-

Confirmatur 2. quia omnipotentia Dei non potest impediri in seipsa ; ut potest quæ neque destrui potest , neque minui , neque debilitari , quemadmodum aut extinguitur ignis , aut minuitur calor , aut quantitas illius : neque etiā potest impediri in mediis per quæ agit , tum quia potest agere independenter ab illis : tum quia cum illis utitur , utitur summo jure , & illa expedire potest , & vim augere ut infallabiliter agant: itaque sic loquitur Isaiæ 46. *Consilium meum stabit , & omnis voluntas mea fiet.* Et Psal. 134. *Omnia quæcumque voluit Dominus fecit :* unde Fulgentius lib. 1. ad Monimum c. 12. non est aliud in illo , velle , quæm posse : hinc ista in Deo dicuntur mutuò , virtus voluntatis , & voluntas ipsa virtutis. Ibi nunquam deest voluntatis effectus ; quia voluntas ipsa non aliud invenitur esse , quæm virtus : quidquid autem vult , potest , qui quantum vult , tantum potest: propterea de eo solo dignè dicitur : *Omnia quæcumque voluit fecit.* Et iterum: *Subest enim tibi cum volueris posse:* Ideò dixi tantam ipsi esse virtutem voluntatis , quanta est voluntas ipsa virtutis : quia cui semper subest cum volet posse , non aliud est in illo velle quæm posse.

Certum est 1. ex priori propositione , neminem se opponere posse , aut impedire absolutam Dei Voluntatem , Esther 13. *In dictione tua cuncta sunt posita , & non est qui possit tuæ resistere voluntati;* & Judith. 16. *Tibi servit omnis creatura tua , quia dixisti , & facta sunt , misisti spiritum tuum , & creata sunt , & non est qui resistat voci tue:* Alioquin enim , ut ait Augustinus in Enchiridio capite 95. Periclitatur ipsu

nostræ confessionis initium , quâ nos in Deum Patrem omnipotentem credere confitemur .

Hinc sequitur 1. ut cum absolute decrevit punire , impediri ipse nō possit , quemadmodum dicitur Jobi 9. *Deus , cuius iræ resistere nemo potest.* Et Psal. 75. *Tu terribilis es , & quis resistet tibi ?* Isaiæ 14. *Juravit Dominus exercituum , dicens , si non ut putavi , ita erit , & quomodo mente tradavi , sic eveniet , ut conteram Assyrium.* Et post pauca: *Dominus exercituum decrevit , & quis poterit infirmare , & manus eius extenta , quis avertet eam?* quod Sanctus Hieronymus sic interpretatur , non pro difficulti debemus accipere , sicut illud legitur: *Quis sapiens , & intelliget hæc ? & cætera his similia , sed pro impossibili ; nullus enim Domini poterit infirmare consilium , & manum eius extentam , sive sublimem , ne percutiat , avertere.*

Sequitur 2. ex contrario , neminem unquam impedire , ne aliquem salvet , cum volet . Augustinus libro de corrept. & gratia capite 14. Cui volenti salvum facere , nullum resistit arbitrium: sic enim velle , vel nolle , in volentis , aut nolentis est potestate , ut divinam voluntatem non impediatur , nec supereret potestatem: de his enim qui faciunt quæ non vult , facit ipse quæ vult. Rationem horum omnium dat Apostolus Ephes. 1. *Universa operatur secundum consilium voluntatis sue.* In quæ verba sic discurrit S. Hieronymus: Nos homines pleraq; volumus facere consilio , sed nequaquam voluntatem sequitur effectus ; illi autem nullus resistere potest , quin omnia quæ voluerit , faciat , etenim cum consilium ad delibera-

berationem pertineat, importat mediorum electionem, quibus infallibiliter pertingit ad finem. Itaque recte Boëtius, omnem modum paucis verbis concludit lib. 3. de consol. prosa 12. Non est aliquid quod summo huic bono vel velit, vel possit obsistere; velit, referendum ad actus liberos; possit, ad reliqua.

Certum tamen est 3. maximam partem actionum Dei circa creaturam rationalem esse non posse voluntates absolutas, sed conditionatas. Ratio est; quia Deus operatur secundum naturas rerum, itaque circa naturam rationalem sic ordinavit, ut non absoluta voluntate eam regat, sed conditionata, ne vim faciat voluntati: & hoc sensu distinguit Damas. quæ in nobis non sunt, & quæ in nobis sunt: prima dicit esse opera providentiae, alia non tantum providentiae, sed etiam liberæ potestatis & arbitrij: Anselmus eodem sensu in verba illa Matth. 6. *Fiat voluntas Dei;* docet quædam opera esse providentiae, alia misericordiae; istis resisti posse, alijs autem minime. Hinc originem habet quod creatura rationalis resistere possit voluntati divinae in quibusdam. Exod. 10. ad Pharaonem: *Usque quod non vis subiici mibi? dimittre populum meum.* Roman. 13. *Qui resistit potestati, Dei ordinationi resistit.* Et Jobi 9. *Quis resistit ei, & pacem habuit?*

Confirmatur hæc propositio ex eo quod Deus circa creaturam rationalem agat, vel misericordiam, vel justitiam; nam vel illam bene disponit prope se; vel illam male disponit longe a se: etenim necesse est, ut creaturæ bene sit, vel ma-

lè: Bene est per misericordiam, & gratiam: male per justitiam. Ratio est, quoniam oportet ut creatura intra ordinem aliquem sit providentiae, vel beneficiorum, vel suppliciorum. Porro illo utroque modo creaturam ferè disponit voluntate conditionata. Dixi ferè; quia ratione gratiae, multa facit quidem independenter ab omni conditione, & in seipso fontem invenit bonitatis, & causam bene faciendi, ut pote, qui non tantum sit bonus, sed etiam ipsa bonitas: ita primam gratiam, & initium fidei ipse largitur, & quædam bona; sed tamen maximam beneficiorum partem & omnia supplicia hominibus, & præparat, & irrogat, posita conditione, unde illa vult voluntate non absoluta, sed conditionata.

Sequitur quartò, omissis variis circūstantiis & conditionibus, de quibus in præsenti non est nobis sermo; cùm in universu Deus circa homines duo præcipue moliantur, quædamquæ pertinent ad beneficia, alia quæ pertinent ad supplicia; in illis ut plurimum ut conditionem includi, ad beneficia quidem impetranda, orationem; ad supplicia vero evitanda aut removenda, pœnitentiā.

Prima pars probatur ex necessitate orationis, quæ colligitur ex verbis Christi, & Apostoloru doctrina, Lucæ 18. *Oportet semper orare, & nunquam desistere.* Chrysostomus, dum oportet dixit, necessitatem inducit. Item donum perseverantiae non confertur, nisi orationi: Augustinus lib. de dono perseverantiae cap. 16. Constat(ait) Deum nobis aliqua etiam non orantibus dare, ut initiū fidei: alia non nisi pro orantibus præ-

Q3 paras-

parasse , sicut perseverantiam in finem Ex codem Augustino refertur in libro de Ecclesiasticis dogmatibus cap. 56. Nullum credimus ad salutem , nisi Deo invitante , venire nullum invitatum , salutem suam , nisi Deo auxiliante , operari ; nullam nisi orantem auxilium pramereri Ex quibus verbis patet tam ad salutem necessariam esse orationem , quam auxilium Dei ; quia illud nonnisi per orationem obtinetur. Iuxta quam doctrinam dixit Augustinus libro de natura & gratia capite 43. Deus impossibilia non jubet , sed iubendo admonet , & facere quod possis , & petere quod non possis .

Secunda pars probatur ex Scripturis omnibus in quibus passim promittitur pœnitentibus venia : Ezechiel. 33. Impietas impij non nocebit ei , in qua cumque die conversus fuerit ab impietate sua , &c. Et postea : Si dixerit impio , morte morieris , & egerit pœnitentiam à peccato suo , &c. vita vivet , & non morietur , omnia peccata eius que peccavit , non imputabuntur ei : iudicium & iustitiam fecit , vitâ vivet. Jeremiæ 18. Si pœnitentiam egerit gens illa à malo suo , quod locutus sum ad versus eam , agam & ego pœnitentiam super malo quod cogitavi ut facherem ei. Et certè cùm duæ sint leges , divina & humana , qui legem humanam violavit sine venia punitur: qui vero divinam , locum habet pœnitentiæ. Inter homines , ubi quis est summè offensus ab alio , non sibi satisfactum putat , si ille doleat de offensa , licet iusta sit compensatio propter summam æqualitatem: At Deus post quamcumque offendit placatur , si accedat pœnitentia; unde illi canit Ecclæsia : Cuius est propriū

misereri semper & parcere : quare Ezech. 18. Nunquid voluntatis meæ est mors impij , dicit Dominus Deus , ut non & converatur à viis suis , & vivat ?

2. Probatur ex variis parabolis : silij prodigi quem pater redeuntem suscepit occurrens ei : Ovis desperditæ , quam pastor requisivit , & inventam sustulit in humeros : Drachmæ inventæ , quam mulier tam studiose requisivit , & de inventa ita gavisa est , ut vicinas etiam convocarat ad congaudentum: Ficūs in fructuosæ , cuius excidiū distuit Dominus , & aliarum similiū.

3. Propatur à variis exemplis , ex quibus patet , neminem pœnitentem aliquando fuisse reiectum ; si vera , & non facta fuit pœnitentia : Non Publicanū , qui descendit iustificatus in domum suam : non Magdalenam , licet in civitate peccatricem , cuius patrocinium suscepit Dominus , & cui dictum est : *Vade in pace*. Et quæ Simoni prælata est. Non Petrum , licet negantem : cui non solùm venia data est , sed factus est omnium Apostolorum caput : *Pasce oves meas , pascere agnos meos*. Non Paulum licet blasphemum , Ecclesiæ persecutorem , & ut se vocat , primum omnium peccatorem , in quo Deus offendit divitias glorie sue. Non Latronem in exitu tantum pœnitentem , cuius primam orationem Deus exaudiuit , nec vel unum diem dilatus est ; sed quo die pœnituit , eodem die in Paradisum est admissus : unde Arnoldus tract. de septem verbis Domini : Nullas omnino metas habet divina clementia : Sit qui invocet , erit qui exaudiat : sit qui pœnitiat , non deerit qui indulget. Sed

ut

ut omittam innumeros in utroque Testamento, unicum inter mortales sceléstissimum præterire non possum, eo illustriorem, quo nobiliorem, ut pote Regem: is fuit Manasses, de cuius criminibus ea scribit textus sacerdotis. Reg. cap. 21. quæ terorrem incutiant. 1. enim in summo omnium peccatorum summus fuit; nullum enim omisit idolatriæ genus, conquisitis undique diis peregrinis aras instruxit, & eos adoravit, ædificavit ex cella quæ diffavarat Ezechias pater eius, erexit aras Baal, fecit lucos, sicut fecerat Achab rex Israël, adoravit omnem militiam cœli, coluit eam. Et quod est summus impietatis cumulus, in ipso templo, cuius eo tempore summa erit sanctitas & religio, Gentium simulachris statuit altaria. Ad hæc traduxit filium suum per ignem, Ariolatus est observavit auguria, fecit pythones, aruspices multiplicavit, ut faceret malum coram Domino, irritaret eum: atque ut mediocriter non esset impius, peccatum addidit scandali, Iudam modis omnibus & pellexit, & cogedit ad idolatriam: & post multa enumerata subdit Scriptura: Quia fecit Manasses Rex Iuda abominationes istas pessimas super omnia quæ fecerunt Amorbi ante eum, peccare fecit etiam Iudam in imunditiis suis.

2. Quod attinet ad crudelitates, audi quomodo loquatur Scriptura: Insuper & sanguinem innoxium fudit Manasses multum nimis, donec impleret Ierusalem usque ad eos: Metaphorâ sumptâ à vase quod plenum est, cùm ad summum, & ad os liquor pervenerit, qui modus loquendi significat magnam sanguinis

effusi abundantiam. Porrò sanguis fuit, & Prophætarum qui cum arugebant, & eorum qui illius mores, & institutum sequi solebant. Certè Joseph lib. 10. antiqu. c. 4. In omnes, quotquot erant ex Hæbreis, iustos grassabatur cæribus, nec à Prophetis quidem cruentas manus abstinens; nam ex horum numero per singulos dies supplicio afficiebat. Inter cæteros Isaiam prophetam medium ferrâ secuit: qualem virum religiæ stirpis, consanguincum & sanctissimum, sed cuius reprehensionem ferre non potuit homo crudelis. Denique tam multa flagitia commisit, ut de se ipse fateatur in sua oratione: Peccavi super numerum arenae maris.

Porrò hæc sunt peccata Manassis fortunati & regnantis, sed vide peccata captivi; nam Deus in pœnam Manassem captivum duxit in Babylonem, ubi post angustias carceris & eatenarum, de quibus ipse meminit in oratione sua, uti Sanctus Hieronymus ait in traditionibus Hebraicis, in vas æneum coniectus est, & admoto igne lente & paulatim cruciatus: Quid eo loco fecisse illum putatis, Auditores? cùm nullum exundi, immo nec respirandi locum inveniret, undique circumclusus, suorum idolorum numina, quæ coluerat, invocare cœpit; sed cùm vanas suas preces videret, venit ei in memorem, quod à parte Ezechia crebro audiverat: Cum quesieris Dominum Deum tuum, invenies eum; sed tamen toto corde quesieris, & tota tribulatione anime tue, ut dicitur Deuteronom. 4. Itaque cœpit ad Deum converti, sicut dicitur 2. Paralip. cap. 33. Postquam coangustatus est, oravit Domini

Dominum Deum suum, & egit pœnitentiam valde coram Deo Patrum suorum, deprecatusque est eum, & obsecuravit intente: Quid expetas, mi auditor? audi verba sequentia: Et exaudi orationem eius, reduxitque eum Ierusalem in regnum suum, & cognovit Manasses quod Dominus ipse esset Deus. At vide quomodo: id explicat Glycas in suis Annalibus, dicens adfuisse Angelum Regi oranti, qui rapto vase æneo in quod inclusus fuerat, eum Hierosolymam reduxit, & in pristinam dignitatem restituit. Quis credit sceleratum hominem, & tantorum criminum reum sublatum fuisse ab angelo, ut Prophetam? id tamen factum est; tantum potest pœnitentia: quem mundi totius lachrymæ, quem omnia flumina, quem maria omnia abluere non potuissent, id fecit pœnitentia: unde subdit Glycas: tot, tantaque facinora Manasses perpetravit, ut divinus ille Athanasius dicere non dubitarit; Si Manasse Deus servavit, equidem ausim dicere, quod diabolum ipsum servaturus fuerit, si reverti ad Deum voluerit. Quid te igitur sperare non oporteat, mi Auditor, pœnitentiæ beneficio? cum quesieris Dominum Deum tuum, inveneries, si tamen toto corde quesieris, & tota tribulatione anime tue: sed unde tanta vis in pœnitentia?

Prima ratio petitur ex parte misericordiæ & bonitatis Dei, à qua originè habet pœnitentia. Præclarum est quod legitur in Talmud Hierosolymitano in libro flagelorum, ubi explicantur verba Psalm. 2. Bonus & rectus Dominus, propter hoc legem dabit delinqüentibus in via: illa enim via explicatur pœni-

tentia, ut proximè superiori concione ostendi. Ex quibus verbis patet ipsam originem habere à Deo, ut bono & misericordi. Porro cùm naturalis modus agendi Dei, sit à bonitate; quæ autem secundùm naturā sunt, ea afferunt voluptatem; propterea à actio bonitatis, & misericordi in Deo maximam habet voluptatem; unde Deus vincitur Pœnitentiæ ratione cuius agit connaturaliter, cùm parcit.

Secunda ratio petitur ex parte iustitiæ, quæ cùm maximò violetur per peccatum, exigit necessario reparacionem: illa autem duplici tantum modo fieri potest; vel vindictâ, seu inflictione pœnæ, vel pœnitentiâ, magis autem pœnitentiâ, quam vindictâ.

Quoad vindictam attinet, certum est 1. cùm per peccatum violetur ius divinum, reparari per pœnam peccatoris; uti enim peccator aliquid molitus est contra Dei voluntatem, necesse quoque est, ut aliquid patiatur contra voluntatem suam, idque ad æqualitatem secundùm illud: Quantum in delitiis fuit, tantū date illi tormentū. Vnde inæqualitas quæ facta est per peccatum, reducitur ad iustum per æqualitatem quæ fit per pœnam; & sic quidquid peccator faciat, in ordine continetur; nam ut aliquid intra ordinem sit, perinde est, an ordinem teneat, an in ordine teneatur? teneret quidem, si per obedientiam esset sub lege; sed si nolit, non tamen extra ordinem est, tūm tenetur sub pœna; cùm tam iustum sit peccatorum puniri, quam iustum est ut Creatori obediatur.

Certum

Certum est 2. cùm Deus benefacien-
do magnam capiat voluptatem prop-
ter actionē naturæ ipsius conformem,
& insuper nō possit impediri ne volup-
tatem habeat sibi debitam , oportet ut
quod non potest habere benefaciendo,
id habeat ulciscendo , secundū illud
Deuter.28. *Sicut ante letatus est Dominus
super vos, bene vobis faciens, &c. sic letabitur
disperdens vos, atque subvertens.* His
positis certum est quoad 1.attinet, licet
per vindictam satisfiat divinæ iustitiae
quoad æqualitatem Pœnæ, non tamen
omniñ compensari in iuriam; quoni-
am ipsa in peccatore perseverat ; unde
licet peccator in inferno torqueatur
contra suam voluntatem , idem tamen
semper contra Deum nititur, secundū
illud Bernardi: Nunquam recto, pravo-
que conveniet ; hæc enim sibi invicem
adversantur, licet non invicem lædant;
quare læsio alterius , est profecto non
Dei. Quoad 2. etiam hæc Dei ulciscen-
tis voluptas non in ipso habet originē,
sed in alio; nam cùm bene facit , ex suo
bene facit, cùm male facit , ex alio: per
pœnitentiam autem , illam dico quæ
ex Spiritu Sancti inspiratione concipi-
tur , & quæ est perfecta pœnitentia,
ius Dei , quod per peccatum violatum
est, ex integro reparatur : nam quoad
pœnam attinet, pœnitentia, ut ait Ter-
tullianus, pro iustitia Dei, fungitur mu-
nere; itaque miris modis peccatorem
discruciat : vide quomodo Magdalena
tractarit, sparsit eius capillos, fleti-
bus ora & sinum complevit, vultum
pudore & dolore accedit; sed præci-
puè in ea parte, in qua peccatū admissū
est hoc est in corde : *Cor contritum & hu-*

*miliatum Deus non despicer. Iam quomo-
do anima se Deo in omnibus subiicit,
quomodo priora damnat , & revocat?
Quid dicam, quod anima sic Deo sub-
ditur , ut de ea proprium agat trium-
phum? Ad hoc significandum passim in
Scripturis conversio peccatorum ex-
plicatur per clades, & excidia, Psal.48.
In spiritu vehementi conteres naves Tharsis.
Augustinus per naves intelligit, diver-
sas nationes, quarum superbiam Christus
evertit, dum eas convertit ad fidem
Psalm.103 *Deficiant peccatores à terra, &
iniqui, ita ut non sint.* Basilius, non ut pe-
reant , orat , sed ut convertantur. Psal.
149. *Et gladij anticipet in manibus eorum.
ad faciendam vindictam in nationibus, incre-
pationes in populis.* Vide qui sint in Apo-
stolorum manibus gladij , increpatio-
nes. Sophon. 3. *In igne zeli mei devora-
bitur omnis terra; quia tunc reddam populis
labium eleatum, ut invocent omnes in nomine
Domini, & serviant eibumero uno.* De igne
Evangelij interpretatur Sanctu Hiero-
nymus : ex quibus constat quod dixi-
mus , maximam victoriam de pecca-
tore esse per veniam , quæ soli pœni-
tentia tribuitur. Quod autem inde Deo
accedat voluptas ex naturali modo
agendi per bonitatem, faciunt hoc plu-
rimæ Christi parabolæ , uti Patris fili-
um prodigum reverentem suscipientis:
& mulieris quæ drachmam reperit; un-
de gaudium Angelorum super uno pec-
catore pœnitentiam agente , nihil ali-
ud significat quam laudes quæ ab An-
gelis Deo dantur super conversione
peccatoris : Vide non vulgare huius
voluptatis Dei exemplum in insigni
peccatore, nempe Achab, de quo dicit*

R Scriptu-

Scriptura 3. Reg. cap. 16. Fecit Achab malum in conspectu Domini super omnes, qui fuerunt ante eum; quantumvis pessimi Reges ante eum praecessissent: nihilominus tamen ubi primum de peccato suo dolens scidit vestimenta sua, & operuit cilicio carnem suam, jejunavitque, & dormivit in sacco; & ambulavit demissō capite: etiamsi omnia illa fuerint tantum pars quædam, eaque minima pœnitentiæ, Deus sic afflictum videre non potuit, quin de subjugato sibi adversario gloriari cœperit apud Eliam: *Nonne vidisti humiliatum Achab. coram me? quia igitur humiliatus est mei causâ, non inducam malum in diebus eius.* Ita Deus facilem se præbet ad pœnitentiam...

Quæcum ita sint, quis jam peccatori excusationis locus esse potest ubi tā facilis est venia? Age enim quid cessas? cur pœnitentiam non agis? quid times, quid vereris? an Dei judicio & minas, an supplicia? Ignoras quod sola pœnitentia te ab illis liberare potest? an peccatorum tuorum multitudinē, an gravitatem? tu ne pœnitentiæ vim, ac virtutem nosti ut dēcet? post tot promissa, post tot exempla: nova, vetera, omnis generis, ubique gentium, in omni hominum conditione? Cogita Deum iratum; minas jaclantem, supplicia intendantem; cogita eius potentiam, maje-

statem, immō furorem, ac in pœnas effusum, si adfuerit, si obſtiterit pœnitentia, de Deo irato, de tam potente, triumphum aget. Sed tibi odiosum est, vel pœnitentiæ nomen. Certè si Deus pro peccatorum condonatione postulasset omnia bona nostra, quis dare nō debuisset? si petiſſet, ut omnia supplicia, & omnia adversa toleraremus, quis pati non debuisset? Jam cùm ei pœnitentia ſufficiat, quis ab ea excufare ſe potest? quod si non ambigis, quid exspectas, vel in quale tempus remittis? Ignoras quod quoniam benignitas Dei te ad pœnitentiam adducit? tu vero, ait Apost. Rom. 2. Secundum duritiam tuam, & impœnitens cor, theſaurizas tibi iram in die iræ, & revelationis justi judicij: qui enim opponit duritiam tuam Dei benignitati, & impœnitentiam pœnitentiæ, meretur, ut Deus convertat divitias bonitatis ſuę in theſaurum iræ, ac ſuppliciorum: ſed qui confugit ad pœnitentiam, nihil habet quod metuat; nam ſicut impœnitentia jungitur theſauris iræ, ita pœnitentia divitias bonitatis experitur: verè enim Deus dives eſt in misericordia quæ pœnitentiam inspirat, pœnitentiæ veniam concedit & gratiam, & gratiæ gloriam subnequit. Amen.

**